

Siunnersuummut nassuiaatit

## **Nassuiaatit nalinginnaasut**

### **1. Aallaqqaasiut**

#### **1.1. Siunnersuummut pingaarnertut tunngaviusut**

Siunnersuummut pingaarnertut tunngaviuvoq Nunatta Isiginnaartitsisarfiata kissaatigisimammagu ilaasortamik minnerpaamik ataatsimik aqutsinermik ilisimasaqartumik, tassunga ilanngullugu aningaasaqarnermut inatsisilerinermullu tunngatillugu ilisimasaqartumik toqqaasoqartarnissaata qulakkeerpeqarnissaa.

Tamatuma saniatigut KANUKOKA 31. juli 2018 atorunnaarpoq, taamaammat inatsimmi § 4, imm. 2, nr. 2-mi suleqatigiiffik inassuteqarsinnaatitaasoq allanngortissallugu siunertamut naapertuuttutut isigineqarpoq, tassa inatsit atuuttoq malillugu KANUKOKA-soq kommunit ataatsimoorlutik inassuteqarsinnaanerannik allanngortillugu.

Tamatuma saniatigut nutarterinissaq pisariaqartinneqartoq paasineqarpoq, tassalu peqatigiiffik KAISKA atorunnaarsimavoq, massakkullu peqatigiiffik SILA Kalaallit Nunaanni isiginnaagassiortartunut sinniisuulerluni.

#### **1.2. Inatsisissamik piareersaanermi immikkoortut pingaarnerit**

Siunnersuut Nunatta Isiginnaartitsisarfia aamma KANUKOKA oqaloqatigalugit suliarineqarpoq.

### **2. Siunnersuummi immikkoortut pingaarnerit**

#### **2.1. Malitassat atuuttut**

Inatsit atuuttoq tassaavoq Isiginnaartitsisarfeqarneq pillugu Inatsisartut inatsisaat nr. 23, 18. november 2010-meersoq (isiginnaartitsisarfeqarneq pillugu inatsit).

Isiginnaartitsisarfeqarneq pillugu inatsisip § 4, imm. 1-iani aalajangersagaavoq Nunatta Isiginnaartitsisarfia siulersuisunit ataatsimoorlutik isiginnaartitsinermik ingerlataqarnermik ilisimasaqarluartunit aqutsinermillu paasisimasaqarluartunit tallimanik ilaasortaqaqartumit aqunneqassasoq.

Isiginnaartitsisarfeqarneq pillugu inatsisip § 4, imm. 2-ani aalajangersagaavoq Naalakkersuisut inassuteqartoqareerneratigut ilaasortassanik imatut toqqaasassasut:

1) ilaasortaqaq ataaseq KAISKA-mit (Kalaallit Isiginnaartitsisartut Kattuffiat) inassutigineqartoq,

2) ilaasortaqaq ataaseq KANUKOKA-mit (Kalaallit Nunaanni Kommunit Kattuffiat) inassutigineqartoq,

- 3) ilaasortaq ataaseq Kalaallit Atuakkiortut inassutigisaat,
- 4) ilaasortaq ataaseq nammineq piumassuseq malillugu isiginnaartitsisartut suleqatigiiffiannit inassuteqartoqareerneratigut, aamma
- 5) ilaasortaq ataaseq Nunatta Isiginnaartitsisarfianni inassuteqartoqareerneratigut.

Aamma isiginnaartitsisarfeqarneq pillugu inatsisip § 4, imm. 4-mi aalajangersagaavoq nammineq piumassuseq malillugu isiginnaartitsisartut kattuffeqanngippata nammineq piumassuseq malillugu isiginnaartitsisarnermik ingerlataqarnermik paasisimasaqartumik ilaasortassamik ataatsimik Naalakkersuisut toqqaassasut.

## **2.2. Siunnersuut**

Siunnersuummi isiginnaartitsisarfeqarneq pillugu inatsimmi § 4, imm. 2, nr. 1 allanngortinneqarpoq, tassa ”KAISKA (Kalaallit Isiginnaartitsisartut Kattuffiat/Skuespillerorganisationen i Grønland)” uannga taarserneqarpoq ”SILA, Kalaallit Nunaanni Isiginnaagassiortartut Peqatigiiffiat”. Taamaalilluni isiginnaartitsisartut maanna aaqqissugaanerannut tunngatillugu aalajangersagaq naapertuutsinneqalerluni. Oqaaseq isiginnaartitsisartuq isiginnaagassiortartumut allanngortinneqarpoq, tassa isiginnaartitsisartut kisimik isiginnaartitsivinni sulineq ajornerat aammali isiginnaagassiortartut, assersuutigalugu qitittartut, isiginnaartitsivinni sulisarnerat pissutigalugu.

Tamatuma saniatigut ”KANUKOKA” isiginnaartitsisarfeqarneq pillugu inatsisip § 4, imm. 2, nr. 2-ani peerneqarpoq uanngalu taarserneqarluni ”kommunit peqatigiillutik”. Tamatumunnga KANUKOKA-p 31. juli 2018 atorunnaarsimanera pissutaavoq. Taamaalilluni kommunit tamarmik suli siulersuisunut ilaasortassamik inassuteqarsinnaanerak qulakkeerneqarpoq.

Isiginnaartitsisarfeqarneq pillugu inatsimmi § 4, imm. 2, nr. 4-mi nammineq piumassuseq malillugu isiginnaartitsisartut kattuffiat peerneqarpoq Sulisitsisut-niillu taarserneqarluni. Taamaalilluni siulersuisut katitigaanerak pillugu malittarisassani siulersuisut aamma aqutsinermik ilisimasaqartuunissaannik qulakkeerinninnissamik Nunatta Isiginnaartitsisarfiata kissaataa akuersaarneqarpoq.

Ullumikkut nammineq piumassuseq malillugu isiginnaartitsisartut aaqqissuussaasumik ingerlanneqanngillat, taamaanngisaannarsimappullu isiginnaartitsisarfeqarneq pillugu inatsit atuutillermalli.

Eqqumiitsuliornermik ingerlatsineq pillugu Inatsisartut inatsisaata nr. 11, 6. juni 2016-imeersup § 12-iani eqqumiitsuliornermik ingerlatsinermut tapiinissamut tunngaviit aalajangersagaapput, tassunga ilanngullugu isiginnaagassiortarnermut tunngassuteqartut. Tassani aalajangersagaavoq Naalakkersuisut eqqumiitsuliornermik ingerlatsinermut tapiissutaat siullertut nuna tamakkerlugu aamma inuussutissarsiutigalugu eqqumiitsuliornermik ingerlatsinermut atorneqassasut, kommmunalbestyrelsilli

eqqumiitsuliornermik ingerlatsineranut tapiissutaat siullertut najukkami eqqumiitsuliornermik ingerlatsineranut atorpeqassasut. Tassa nammineq piumassuseq malillugu isiginnaartitsisartut eqqumiitsuliornermik ingerlatsisuupput kommunit sallerpaatillugit tapiiffigisassaat.

Taamaammatt aamma pissusissamisussaaq kommunit ilaasortassamik inassuteqaraangamik nalilertartuuppasuk ilaasortassamik nammineq piumassuseq malillugu isiginnaartitsisarnermik ilisimasalimmik inassuteqarnissaq siunertamut naapertuutissanersoq. Tamatumunngali pisussaaffiliisoqanngilaq, taamaalillutillu kommunit namminneerlutik piumasaqaatit sorliit atorlugit ilaasortassamik inassuteqartoqassanersoq, piumasaqaatillu tamakku qanoq uuttortarneqassanersut nalilersussavaat.

Massakkut § 4, imm. 4 aalajangersakkatut nutaanngorlugi allanngortinneqassasoq siunnersuutigineqarpoq, tassanilu periuserineqartoq pineqarpoq, tassalu kommunit siulersuisunut ilaasortassamik ataatsimoorlutik inassuteqarnissaminni isumaqatigiissinnaanngippata.

Aammattaaq § 4-mut, imm. 5 aamma 6 nutaat siunnersuutigineqarput kattuffiit inassuteqarsinnaasut arlaat taaguuminik allannguissagaluarpata atorunnaarsinneqassagaluarpataluunniit qanoq iliuseqartoqarnissaanik aalajangersaammik. Tamatuma kinguneraa imm. 5-9 matuma kingorna imm. 7-11-nngormata.

Nunatta Isiginnaartitsisarfiata isiginnaartitsisarfeqarneq pillugu inatsimmi § 3 naapertorlugi pisortat suliffeqarfiutigivaat namminersortoq. KNR-ip qitiusumillu ilinniarsiit aaqquissuusaanikkut inissisimanerannut tamanna assinguvoq. Suliffeqarfiup pisortat suliffeqarfiutaattut inissinneranut pingaarnertut pissutaavoq suliffeqarfiup ingerlataasa amerlanerpaartaat pisortanit aningaasalersorneqarnerat. Tassa isiginnaartitsisarfeqarneq pillugu inatsisip § 10, imm. 1-iani aalajangersagaavoq suliareqquneqartut naammassineqarnissaannut Nunaata Isiginnaartitsisarfiatut ukiumoortumik aningaasaliissutit aningaasanut inatsit aqqutigalugu aalajangersarneqassasut. Aamma isiginnaartitsisarfeqarnermut inatsimmi § 10, imm. 3 naapertorlugi missingersuusiortarneq, naatsorsuuserisarneq naatsorsuutinillu saqqummiussisarneq pillugit aalajangersakkat Namminersorlutik Oqartussanut sukkulluunniit atuuttut suliffeqarfiup malittussaavai.

Taamaattoq atorfinitsitaanerit atugassarititaasut pissutsillu allat, atorfinitsinneqarnermi soraarsitsinerinilu pissutsit eqqarsaatigalugit Nunatta Isiginnaartitsisarfiata aalajangersakkanik Namminersorlutik Oqartussani atorfeqartunut qaqugukkulluunniit atuuttunik malinnittusaanera assigalugu KNR-imut qitiusumillu ilinniarsinnut tunngatillugit malittarisassanik aalajangersagaqanngilaq. Taamaammatt siunnersuummi tusarniutigalugu nassiunneqartumi aalajangersakkamik taamaattumik ilanngussisoqarnissaa siunnersuutigineqarpoq. Tamatumani Namminersorlutik Oqartussat suliffeqarfiutaanni assigiimmik atugassaartitsisoqarnissap ataqqineqarnissaata qulakkeernissaa eqqarsaatigalugu aamma aningaasartuutit aqutsisarneq eqqarsaatigalugu pingaarnertut suliaassat qulakkeernissaat siunertaasimavoq.

Taamaattoq Nunatta Isiginnaartitsisarfianit tusarniaanermut akissutigineqartoq tunngavigalugu, kinguneratigullu isiginnaartitsisarfik aamma Aningaasaqarnermut Sulisoqarnermullu Aqutsisoqarfik paasiniaaffigereerlugit aalajangersagaq siunnersuummi matumani pineqartoq allanngortinneqarsimavoq. Taamaalillunilu atorfinitsitsisarnerni atugassarititat allatullu pissutsit eqqarsaatigalugit aamma atorfinitsitsinermi soraarsitsinernilu pissutsit eqqarsaatigalugit Nunatta Isiginnaartitsisarfiata tunngaviusumik isumaqatigiissutaasumi isumaqatigiissutaasut Nunatta Isiginnaartitsisarfiata Naalakkersuisullu akornanni atsiorneqartut iluanni pisussaaffeqartussaana siunnersuuteqarfigissallugu tulluurtuuvoq. Tunngaviusumillu isumaqatigiissummi tassani suut ilanngunneqassanersut peqatigitillugu siunnersuuteqarfigineqarpoq. Nunatta Isiginnaartitsisarfiani sulisut ilarpassui isumaqatigiissutinut ilaannginerat, atorfinnullu taamaattunut isumaqatigiissusiortoqarsimannginnera tamatumunnga tunngavilersuutaapput. Aamma pilersaarutinut atorfinitsitsisoqartarnera atorneqangaatsiarpoq, atorfiillu taakku Namminersorlutik Oqartussani atorfinnut allanut assersuukkuminaassinnaallutik.

Tunngaviusumik isumaqatigiissut pisarnek malillugu Nunatta Isiginnaartitsisarfiata aamma Namminersorlutik Oqartussani atorfinitsitsisarnernut oqartussaasut, tassalu Aningaasaqarnermut Sulisoqarnermullu Aqutsisoqarfik, akornanni atsiorneqartussaavoq. Naalakkersuisut suleriaasiat pillugu Namminersorlutik Oqartussat nalunaarutaanni nr. 18, 9. november 2017-imeersumi § 3, imm. 2 naapertorlugu atorfinitsitsinermi oqartussaasoq Namminersorlutik Oqartussani sulisunik atorfinitsitsinissamut, allamut nuussinissamut soraarsitsinermullu pisinnaatitaaffeqarpoq. Ataasiakkaanut atorfeqarnermi pissutsinik pingaaruteqartunik aalajangiiffiusuni sulisup pineqartup atorfilittut suliffianni pisortanit oqaaseqaammik atorfinitsitsinermut oqartussaasoq piniassaaq. Nunatta Isiginnaartitsisarfiata pisortat suliffeqarfiutigaat namminersortitaq, taamaalillunilu Inatsisartut inatsisaatigut nalunaarutikkulluunniit allanik aalajangersaasoqarsimanngippat Namminersorlutik Oqartussanut ilaavoq, taamaammallu atorfinitsitsinermi oqartussaasunut malittarisassanik malinnittussaalluni. Isiginnaartitsisarfeqarneq pillugu Inatsisartut inatsisaanni § 6, imm. 2-mi Nunatta Isiginnaartitsisarfianut siulersuisut isiginnaartitsisarfiup pisortaanik atorfinitsitsissasut aalajangersagaavoq aammalu § 7, imm. 2-mi isiginnaartitsisarfiup pisortaa Nunatta Isiginnaartitsisarfiani sulisussanik allanik atorfinitsitsisartuusoq aalajangersagaalluni. Nalunaarut taaneqartoq tunngaviusumillu isumaqatigiissutaasoq atorfinitsitsisinnaanermut soraarsitsisinnaanermulluunniit inatsisitigut aalajangersarneqartunut attuivoq, tunngaviusumilli isumaqatigiissummi atorfinitsitsinerup qanoq pisinnaaneranut tunngavissanik tikkuussisoqarluni. Tassungalu atatillugu erseqqissarneqassaaq Nunatta Isiginnaartitsisarfiata nammineerluni isumaqatiginninniarnissanut nassuiaasoqarnissaanullu piginnaatitaangimmat piginnaatitaaneq taanna Namminersorlutik Oqartussat atorfinitsitsisarnermut oqartussaasuiniimmat.

<b>Siunnersuut inatsimmut atuutereersumut assersuullugu</b>	
<i>Oqaatsit atorneqartut atuuttut</i>	<i>Siunnersuut</i>

	<p style="text-align: center;"><b>§ 1</b></p> <p>Isiginnaartitsisarfeqarneq pillugu Inatsisartut inatsisaat nr. 23, 18. november 2010-meersoq imaattunik allannguuteqarpoq:</p>
<p><b>§ 4.</b> Nunatta Isiginnaartitsisarfia siulersuisunit ataatsimoorlutik isiginnaartitsinermik ingerlataqarnermik annertuumik ilisimasaqartunit aqutsinermillu paasisimasaqarluartunit tallimanik ilaasortaqtumit aqunneqarpoq.</p> <p><i>Imm. 2.</i> Naalackersuisut inassuteqartoqareerneratigut ilaasortassanik imatut toqqaassapput:</p> <p>1) ilaasortaqtumit KAISKA-mit (Kalaallit Isiginnaartitsisartut Kattuffiat) inassutigineqartoq,</p> <p>2) ilaasortaqtumit KANUKOKA-mit (Kalaallit Nunaanni Kommunit Kattuffiat) inassutigineqartoq,</p> <p>3) ilaasortaqtumit Kalaallit Atuakkiortut inassutigisaat,</p> <p>4) ilaasortaqtumit namminneq kajuminnermikkut isiginnaartitsisartut kattuffiannit inassutigineqartoq, aamma</p> <p>5) ilaasortaqtumit Nunatta Isiginnaartitsisarfiani inassuteqartoqareerneratigut.</p> <p><i>Imm. 3.</i> Ilaasortat toqqarneqartut akornannit ilaasortaqtumit siulersuisut siulittaasuattut Naalackersuisunit toqqarneqassaaq.</p> <p><i>Imm. 4.</i> Namminneq kajuminnermikkut isiginnaartitsisartut kattuffeqanngippata nammineq kajuminnermikkut isiginnaartitsisarnermik ingerlataqarnermik paasisimasaqartumik ilaasortassamik ataatsimik Naalackersuisut toqqaassapput.</p> <p><i>Imm. 5.</i> Imm. 2, nr. 5-imi ilaasortaqtumit Kalaallit Nunaata Isiginnaartitsisarfiani aalajangersimasumik suliffeqartut akornannit taakkunanngalu</p>	<p><b>1.</b> § 4, <i>imm. 2, ima</i> oqaasertalerneqassaaq: ” <i>Imm. 2.</i> Naalackersuisut inassuteqartoqareerneratigut ilaasortassanik imaalillutik toqqaassapput:</p> <p>1) SILA-mit, Kalaallit Nunaanni Isiginnaagassiortartut Peqatigiiffiat, inassuteqartoqareerneratigut ilaasortaqtumit ataaseq,</p> <p>2) Nunatta Isiginnaartitsisarfiani inassuteqartoqareerneratigut ilaasortaqtumit ataaseq, taamaattoq takuuk <i>imm. 4,</i></p> <p>3) Kalaallit Atuakkiortut inassuteqartoqareerneratigut ilaasortaqtumit ataaseq,</p> <p>4) Sulisitsisut inassuteqareernerisigut ilaasortaqtumit ataaseq,</p> <p>5) Nunatta Isiginnaartitsisarfiani inassuteqartoqareerneratigut ilaasortaqtumit ataaseq.”</p>

<p>qinerneqassaaq.</p> <p><i>Imm. 6.</i> Ilaasortat Kalaallit Nunaanni najugaqartuussapput, 18-inik ukioqalereersimassallutik aammalu Naalackersuisunut Inatsisartunulluunniit ilaasortaassanatik.</p> <p><i>Imm. 7.</i> Siulersuisut akunnerminni siulittaasup tullianik toqqaassapput.</p> <p><i>Imm. 8.</i> Ilaasortat ukiuni sisamani qaammatisiutit ukiuannik malinniffiusuni atuuttussatut toqparneqassapput. Taamaallaat ataasiarluni toqqaaqittoqarsinnaavoq. Siulersuisuni ilaasortaq imaluunniit sinniisussaq peqataalersimasoq siulersuisuni akisussaaffimminik annertuumik sumiginnaasimasoq allatulluunniit siulersuisutut suliamik ingerlataqarnissamut naleqqukkunnaarsimasoq Naalackersuisunit tunuartinneqarsinnaavoq.</p> <p><i>Imm. 9.</i> Naalackersuisut siulersuisut aningaasarsiassaat aamma siulersuisunut ilaasortat aningaasartuutiminnut taartisiassa, tassunga ilanngullugit ilaatigut angalanernut, nerisaqarnermut aamma Kalaallit Nunaata Isiginnaartitsisarfianni suliaminni najugaqarnerminnut aningaasartuutaat pillugit aalajangersakkanik aalajangersaasinnaapput.</p>	
<p><b>§ 4.</b> Nunatta Isiginnaartitsisarfianni siulersuisunit ataatsimoorlutik isiginnaartitsinermik ingerlataqarnermik annertuumik ilisimasaqartunit aqutsinermillu paasisimasaqarluartunit tallimanik ilaasortaqartumit aqunneqarpoq.</p> <p><i>Imm. 2.</i> Naalackersuisut inassuteqartoqareerneratigut ilaasortassanik imatut toqqaassapput:</p> <p>1) KAISKA-mit (Kalaallit Isiginnaartitsisartut Kattuffiat) inassuteqartoqareerneratigut ilaasortaq ataaseq,</p> <p>2) KANUKOKA-mit (Kalaallit Nunaanni</p>	<p><b>2. § 4 imm. 4,</b> ima oqaasertaqarpoq:  ” <i>Imm. 4.</i> Kommunit ataatsimoorlutik inassutigisassartik pillugu isumaqatigiissinnaangippata kommunit inassutigisaasa akornanniittumik Naalackersuisut toqqaassapput.”</p>

Kommunit Kattuffiat)

inassuteqartoqareerneratigut ilaasortaq  
ataaseq,

3) Kalaallit Atuakkiortut

inassuteqareernerisigut ilaasortaq ataaseq,

4) ilaasortaq ataaseq nammineq piumassuseq  
malillugu isiginnaartitsisartut  
suleqatigiiffiannit

inassuteqartoqareerneratigut, aamma

5) ilaasortaq ataaseq Nunatta

Isiginnaartitsisarfianni

inassuteqartoqareerneratigut.

*Imm. 3.* Ilaasortat toqqarneqartut  
akornannit ilaasortaq ataaseq siulersuisut  
siulittaasuattut Naalackersuisunit  
toqqarneqassaaq.

*Imm. 4.* Namminneq kajuminnermikkut  
isiginnaartitsisartut kattuffeqanngippata  
nammineq kajuminnikkut  
isiginnaartitsisarnermik ingerlataqarnermik  
paasisimasaqartumik ilaasortassamik  
ataatsimik Naalackersuisut toqqaassapput.

*Imm. 5.* Imm. 2, nr. 5-imi ilaasortaq  
inassutigineqartoq Kalaallit Nunaata  
Isiginnaartitsisarfianni aalajangersimasumik  
suliffeqartut akornannit taakkunanngalu  
qinerneqassaaq.

*Imm. 6.* Ilaasortat Kalaallit Nunaanni  
najugaqartuussapput, 18-inik  
ukioqalereersimassallutik aammalu  
Naalackersuisunut Inatsisartunulluunniit  
ilaasortaassanatik.

*Imm. 7.* Siulersuisut akunnerminni  
siulittaasup tullianik toqqaassapput.

*Imm. 8.* Ilaasortat ukiuni sisamani  
qaammatsiutit ukiuannik malinniffiusuni  
atuuttussatut toqqarneqassapput. Taamaallaat  
ataasiarluni toqqaqqittoqarsinnaavoq.  
Siulersuisuni ilaasortaq imaluunniit  
sinniisussa qeqataalersimasoq siulersuisuni  
akisussaaffimminik annertuumik  
sumiginnaasimasoq allatulluunniit

<p>siulersuisutut suliamik ingerlataqarnissamut naleqqukkunnaarsimasoq Naalakkersuisunit tunuartinneqarsinnaavoq.</p> <p><i>Imm. 9.</i> Naalakkersuisut siulersuisut aningaasarsiassaata aamma siulersuisunut ilaasortat aningaasartuutiminnut taartisiassaata, tassunga ilanngullugit ilaatigut angalanernut, nerisaqarnermut aamma Kalaallit Nunaata Isiginnaartitsisarfianni suliaminni najugaqarnerminnut aningaasartuutaat pillugit aalajangersakkanik aalajangersaasinnaapput.</p>	
	<p><b>3.</b> § 4-mi <i>imm. 4-p</i> kingorna immikkoortut nutaatut ilanngunneqassapput:</p> <p>” <i>Imm. 5.</i> Kattuffiit <i>imm. 2</i>, nr. 1, 3 aamma 4-mi eqqaaneqartut arlaat taaguuminik allannguissagaluarpat inassuteqarneq taassumanna isumagineqassaaq.</p> <p><i>Imm. 6.</i> Kattuffiit <i>imm. 2</i>, nr. 1, 3 aamma 4-mi eqqaaneqartut atorunnaarsinneqassagaluarpata Naalakkersuisut ilaasortamik toqqaassapput kattuffiup atorunnaarsinneqartup suliassa qarfigisimasaanik ilisimannittumik.”</p> <p><i>Imm. 5-9</i> tamatuma kingorna <i>imm. 7-11 - nngussapput.</i></p>
	<p><b>4.</b> § 7-ip kingornagut ilanngunneqassaaq:</p> <p>” § 7 a. Nunatta Isiginnaartitsisarfianni atorfinitsitsinermi atugassarititanut allatullu pissutsinut, atorfinitsitsinermi soraarsitsiner nilu atugassarititanut tunngatillugu tunngaviusumik isumaqatigiissummi Nunatta Isiginnaartitsisarfiata Naalakkersuisullu akornanni atsiorneqartumi isumaqatigiissutaasut iluanniinnissamik pisussaaffeqarpoq, takuuk <i>imm. 2.</i></p> <p><i>Imm. 2.</i> Tunngaviusumik isumaqatigiissut atorfinitseriaatsinut, tunngaviusumik akissarsiat qaffasissusiinut, tapinut, akissarsiat iluarsiiqqisarneqarnerinut,</p>

	pensionisianut ilanngussinermit atorfinitsitsinermilu atugassarititanut nalinginnaasunut aalajangersakkanik minnerpaamik imaqassaaq.”
	<b>§ 2</b>
	Inatsisartut Inatsisaat manna ulloq 1. august 2019 atuutilissaaq.

### **3. Aningaasat tungaasigut allaffissornikkullu pisortanut sunniutissai.**

Siunnersuutip pisortanut aningaasaqarnikkut allaffissornikkullu kinguneqarnissaa ilimagineqanngilaq.

### **4. Aningaasat tungaasigut allaffissornikkullu inuussutissarsiutinik ingerlatsisunut sunniutissai.**

Siunnersuut inuussutissarsiortunut aningaasaqarnikkut allaffissornikkullu sunniuteqartussatut ilimagineqanngilaq.

### **5. Avatangiisinut, pinngortitamut inuillu peqqissusaannut sunniutissat**

Siunnersuut avatangiisinut, pinngortitamut imaluunniit inuit peqqissusiannut sunniuteqassasoq naatsorsuutigineqanngilaq.

### **6. Innuttaasunut sunniutissat**

Siunnersuut innuttaasunut sunniuteqassasoq ilimagineqanngilaq.

### **7. Sunniutissat malunnaatillit allat**

Siunnersuut allanik pingaaruteqartunik kinguneqartussatut naatsorsuutigineqanngilaq.

### **8. Oqartussaasunut, suleqatigiiffinnut allanullu tusarniaaneq**

Siunnersuut piffissami 11. juni 2018-imiit 6. juli 2018-imut Naalakkersuisut tusarniaanermut nittartagaani tamanit takuneqarsinnaasimavoq, makkunungalu tusarniutigineqarsimalluni: Naalakkersuisut Siulittaasuata Naalakkersuisoqarfia, Pinngortitamut Avatangiisinullu Naalakkersuisoqarfik, Ineqarnermut Attaveqaqatigiinnermillu Naalakkersuisoqarfik,, Aningaasaqarnermut Naalakkersuisoqarfik, Inuussutissarsiutinut Nukissiuuteqarnermullu Naalakkersuisoqarfik, Aatsitassanut, Suliffeqarnermut Nunamullu Namminermit Naalakkersuisoqarfik, Nunanut Allanut Naalakkersuisoqarfik, Aalisarnermut, Piniarnermut Nunalerinnermullu Naalakkersuisoqarfik, Peqqissutsimut Ilisimatusarnermullu Naalakkersuisoqarfik, Isumaginninnermut Inatsisinillu Atuutsitsinermit Naalakkersuisoqarfik, Avannaata Kommunia, Qaasuitsup Kommunia, Qeqqata Kommunia, Kommuneqarfik Sermersooq, Kommune Kujalleq, Nunatta Isiginnaartitsisarfia, SILA, Kalaallit Atuakkiortut, EPI, KIMIK, NAPA, Katuaq, Taseralik, Kalaallit Nunaata Radioa, NTK, Sulisitsisut, NUSUKA og SIK.

Tusarniaaffigineqartunit makku tusarniaanermut akissuteqarput: Naalakkersuisut Siulittaasuata Naalakkersuisoqarfia, Isumaginninnermut Inatsisinillu Atuutsitsinnermut Naalakkersuisoqarfik, Katuaq, Peqqissutsimut Iisimatusarnermullu Naalakkersuisoqarfik, Aningaasaqarnermut Naalakkersuisoqarfik, Nunatta Isiginnaartitsisarfia aamma Kommune Kujalleq.

Nunatta Isiginnaartitsisarfianit tusarniaanermut akissutigineqartup kingunerisaanik isiginnaartitsisarfiup, Ilinniartitaanermut, Kultureqarnermut Ilageeqarnermullu Naalakkersuisoqarfiup aamma Aningaasaqarnermut Sulisoqarnermullu Aqutsisoqarfiup akornanni siunnersuummi § 1, imm. 4 oqallisigineqarsimavoq. Soorlu immikkoortoq 2.2.-mi siulianiittumi taaneqareersoq aalajangersakkap oqaasertalernerata allanngortinneranik kinguneqarsimavoq. Nunatta Isiginnaartitsisarfia aamma Aningaasaqarnermut Sulisoqarnermullu Aqutsisoqarfik tunngaviumik isumaqatigiissut aqutugalugu aaqjissuussinnermut siunnersuutigineqartumut naammagisimaarinnillutik nalunaarsimapput.

Aammattaaq tusarniaareernerup kingorna siunnersuutigineqarpoq § 4, imm. 5 aamma 6 nutaamik oqaasertalernerqassasut, kattuffiit § 4, imm. 2, nr. 1, 3 aamma 4-mi eqqaaneqartut arlaat taaguuminik allannguissagaluarpata atorunnaarsinneqassagaluarpataluunniit qanoq iliuseqartoqarnissaanik aalajangersaammik.

<b>Nr.</b>	<b>Tusarniaavigineq artoq</b>	<b>Oqaaseqaatit</b>	<b>Oqaaseqaatigineqartumut oqaaseqaatit</b>
<b>1.</b>	Naalakkersuisut Siulittaasuata Naalakkersuisoqarfia	Siunnersuummut oqaaseqaateqanngilaq.	Siunnersuummi allanngortitsisoqarnissaanik tunngaviliinngilaq
<b>2.</b>	Isumaginninnermut Inatsisinillu Atuutsitsinnermut Naalakkersuisoqarfik	Siunnersuummut oqaaseqaateqanngilaq.	Siunnersuummi allanngortitsisoqarnissaanik tunngaviliinngilaq
<b>3.</b>	Katuaq	Isiginnaartitsisarfeqarneq pillugu inatsisip allanngortinnissaanut siunnersuut atuarsimavarput, siunnersuummullu Katuamit oqaaseqaatissaqanngilagut.  Iluarpoq Nunatta Isiginnaartitsisarfiata siulersuisut katitigaanerinut kissaatai tusarniarneqarsimammata.	Siunnersuummi allanngortitsisoqarnissaanik tunngaviliinngilaq

		<p>Kommunit tamaasa sinnerlugit ilaasortassamik toqqaaniarnissamut periutsumik eqaatsumik nassaartoqassasoq neriuutigaarput.</p> <p>Nunatta Isiginnaartitsisarfiata suliaminik nangitsilluarnissaa Katuamit kissaatigaarput.</p>	
<b>4.</b>	Peqqissutsimut Ilisimatusarner- mullu Naalackersuisoqar- fik	Siunnersuummut oqaaseqaateqanngilaq.	Siunnersuummi allanngortitsisoqarnissaanik tunngaviliinngilaq
<b>5.</b>	Aningaasaqarner- mut Naalackersuisoqar- fik	Siunnersuummut oqaaseqaateqanngilaq.	Siunnersuummi allanngortitsisoqarnissaanik tunngaviliinngilaq
<b>6.1.</b>	Kalaallit Nunaata Isiginnaartitsisarfia	Siulersuisut katitigaanerannut tunngatillugu inatsisissatut siunnersuummi allannguutissatut siunnersuummut tunngatillugu Nunatta Isiginnaartitsisarfia oqaaseqaatissaqanngilaq.	Siunnersuummi allanngortitsisoqarnissaanik tunngaviliinngilaq.
<b>6.2.</b>	Nunatta Isiginnaartitsisarfia	<p>Isiginnaartitsisarfimmi sulisut akissarsiaqartitaanerannut tunngatillugu oqaatigineqassaaq Nunatta Isiginnaartitsisarfiata atugassarititat Namminersorlutik Oqartussani sulisunut tamanut atuuttut malittussaagai allannguutissatut siunnersuummi takuneqarsinnaammat.</p> <p>Aallarniutigalugu oqaatigineqassaaq Nunatta Isiginnaartitsisarfia paasisinnaalluarmagu inatsisitigut allanngortitsinermi missingersuutit aqunnerinut pingaarnertigut allannguisoqarnissaa kissaatigineqarmat, soorlu tamanna assersuutigalugu KNR-imut</p>	Siunnersuummi allanngortitsisoqarnissaanik tunngaviliinngilaq.

		<p>tunngatillugu radioqarneq tv-qarnerlu pillugit inatsimmi § 35-imi aalajangersakkamik assingusumik peqartoqarmat, tassanilu nassuiaatigineqartut allannguutissatut siunnersuummut matumunnga nassiunneqartumut assersuunneqarsinnaallutik.</p>	
6.3.	Nunatta Isiginnaartitsisarfia	<p>Inatsimmik allannguinermut pineqartumut tunngatillugu oqaatigineqassaaq</p> <ul style="list-style-type: none"> <li>• Nunatta Isiginnaartitsisarfiata nalornisigimmagu Nunatta Isiginnaartitsisarfianni atorfinnut tamanut tunngatillugu, minnerunngitsumik pilersaarutinut atorfinitsitsisarnerpassuit eqqarsaatigalugit, Namminersorlutik Oqartussat isumaqatiginninniarnernut immikkoortortaata aamma suleqatigiiffiit isumaqatigiinniarsinnaatitaasut akornanni isumaqatigiissutinik atsiortoqarsimangersoq. Taamaattoqarsimanngippat Nunatta Isiginnaartitsisarfiata qanoq iliortoqarsinnaangersoq paaserusuppaa, tassami Nunatta Isiginnaartitsisarfiata sulineranut tunngatillugu allattoqarfimmi atorfinnik assersuunneqarsinnaasunik amerlasuunik soqarunangimmat.</li> <li>• Nunatta Isiginnaartitsisarfiata maluginiarmagu Katuaq Nuummiittoq, Taseralik Sisimiuniittoq kiisalu suliffeqarfiit kulturimik sammisaqartut Namminersorlutik Oqartussanit</li> </ul>	<p>Oqaaseqaatigineqartoq aalajangersakkap allatut oqaasertalernissaanik pisariaqartitsilersimavoq, taamaalilluni Nunatta Isiginnaartitsisarfia paarlattuanik tunngaviusumik isumaqatigiissummi isumaqatigiissutaasut Nunatta Isiginnaartitsisarfiata Naalakkersuisullu atsiorneqartut iluaniinnissaanik pisussaaffilerneqarsimammat.</p> <p>Siunnersuummi § 1, nr. 4-mi aalajangersagaq taamaallaat Nunatta Isiginnaartitsisarfianni atorfinitsitsinernut atuuppoq, taamaalillunilu suliffeqarfimmut kulturilerinermik sammisaqartunut allanut atuutsinneqarnani.</p>

		<p>pigineqartut assingusut qanoq iliussanersut inatsisini soqutigineqarunangimmat</p>	
<b>6.4.</b>	Nunatta Isiginnaartitsisarfia	<p>Nunatta Isiginnaartitsisarfiata erseqqissassavaa Namminersorlutik Oqartussani isumaqatigiissutaasunut tunngatillugu atorfinitsitsisarnerni minneruniartoqarnissaanik anneruniartoqarnissaanillu kissaateqartoqanngimmat, kisiannili Isiginnaartitsisarfimmi atorfinitsitsinerit ilaanni isumaqatigiissutinik pisortaneersunik nassaassaqartarnaviangimmat. Tassungalu ilaavoq Nunatta Isiginnaartitsisarfia soorunami Katuamut Taseralimmullu allanullu Kalaallit Nunaanni suliffeqarfinnut kulturilerinermik sammisalinnut isiginnaartitsisartut/isiginnaagassior-tartut sulisullu pikkorinnerpaat tungaasigut unammillertuummat. Nunatta Isiginnaartitsisarfia Namminersorlutik Oqartussani isumaqatigiissutaareersunik malinneqqullugu pisussaaffeqarmat imaangilaq Nunatta Isiginnaartitsisarfiata siunissami isiginnaartitsissutinik sanasarnissaani holdinik pitsaanerpaanik sulisitsisarnissaa periarfissaarutissasoq.</p>	<p>Nunatta Isiginnaartitsisarfiata oqaaseqaatai siunnersuummi allanngortitsinissamik tunngaviliinngillat. Tassunga atatillugu tusarniaanermut akissummut nr. 6.3.-mut oqaaseqaatit innersuussutigineqassapput.</p>
<b>6.5.</b>	Nunatta Isiginnaartitsisarfia	<p>Kiisalu Taseralik Katuarlu Nunatta Isiginnaartitsisarfiata tungaaniit isigalugit naligisatut isigineqartariaqarmata - matumani Nunatta Isiginnaartitsisarfiatut pisortat suliffeqarfiutaattut innatik pisortanit pigineqarlutik inuussutissarsiutitut ingerlataammata - taamaammallu</p>	<p>Nunatta Isiginnaartitsisarfiata oqaaseqaatai siunnersuummi allanngortitsinissamik tunngaviliinngillat. Tassunga atatillugu tusarniaanermut akissummut nr. 6.3.-mut oqaaseqaatit innersuussutigineqassapput.</p>

		Nunatta Isiginnaartitsisarfiata inatsisinut tunngatillugu nalilerlugu suliffeqarfiit pineqartut ingerlannerinut naligiinnginnermik pilersitsisoqartoq, tamannalu pisortani assigiimmik pinnittoqartarnissaanut akerliusutut oqaatigineqarsinnaanani.	
<b>6.6.</b>	Nunatta Isiginnaartitsisarfia	Isiginnaartitsisarfimmi atorfinitsitsinermi isumaqatigiissutinik atuiffiunngitsuni aammalu isumaqatigiissummi sulisartup tungaanniit isigalugu isiginnaartitsisarfimmi akissarsiaritinneqartunit akissarsiat ikinnerusimatillugit Nunatta Isiginnaartitsisarfianiit inussiarnersumik tusarusunneqassaaq inatsisip atuutilerneranut atatillugu sulisut atugassarititaasut ajornerusut atorlugit soraarsinneqariarlutik sulisinneqartalernissaat naatsorsuutaanersoq.	Nunatta Isiginnaartitsisarfiata oqaaseqaatai siunnersuummi allanngortitsinissamik tunngaviliinngillat. Tassunga atatillugu tusarniaanermut akissummut nr. 6.3.-mut oqaaseqaatit innersuussutigineqassapput.
<b>7.1</b>	Kommune Kujalleq	Nunatta isiginnaartitsisarfiata ingerlanneranut kommunit suli sunniuteqartarnissaannik Naalakkersuisut siunertaqarmata Kommune Kujalleq naammagisimaarinnippoq.	Siunnersuummi allanngortitsisoqarnissaanik tunngaviliinngilaq.
<b>7.2</b>		Aammattaaq siunnersuutigineqartutut nunatta isiginnaartitsisarfianut siulersuisut katitigaanerisa allanngortinnissaannik pisariaqartitsisoqarmat kommuni isumaqataavoq. Peqatigitilluguli allannguutit siunnersuutigineqartut tullinnguuttuni ersersinneqartutut nalornisitsilersinnaasut kommuni	Aallarniutigalugu oqaatigineqassaaq inassut inatsisit tungaasigut isigalugu innersuussummut assersuunneqarsinnaammat, tassanilu tiguisussamut inatsisitigut pisussaaffiunani. Tamanna aamma Inatsisartut inatsisaanni § 7, imm. 4-mut nassuiaatini atuarneqarsinnaavoq.

		<p>isumaqarpoq. Siunnersuutigineqartullu tassaapput § 4, imm. 2, nr. 2 aamma § 4, imm. 4 (KANUKOKA-p atorunnaarsinnera):</p> <p>Kommune Kujalleq isumaqarpoq kommunit siulersuisuni ilaasortassamik inassuteqarnissaanni kommunit isumaqatigiissimappata Naalakkersuisut inassutigineqartumik taassuminnga malinninnissaat inatsimmi ersersittariaqartoq. Tamannami kinguneriinnartussaavaa, tassami kommunit arlariinnik inassuteqarsimassappata Naalakkersuisut inassutigineqartut akornanniittunik toqqaanissaminnik pisussaaffilerneqarmata.</p> <p>Kommune Kujalleq aamma isumaqarpoq tulluarnepaajussasoq maleruagassanik arlalinnik aalajangersaasoqartuuppat, matumani arlariinnik kommuni inassuteqarsimappat Naalakkersuisut qanoq ilillutik kommunit sinniisissaannik toqqaasarnissaannut maleruagassanik arlalinnik aalajangersaanissami suna tulluarnepaajussanersoq.</p> <p>Kommune Kujallermiit pingaartutut isumaqarfigineqarpoq assersuutigalugu sumi najugaqarneq kisimi apeqqutaatinneqartassanngitsoq, soorlu inassutigineqartoq Nuummiuunersoq, kisiannili suliffissamut kina tulluarnepaajunersoq tunngavigalugu ataatsimut naliliineq aallaaviusassasoq.</p>	<p>Aammattaaq aalajangersakkami tassani takuneqarsinnaavoq siuliani inassummut taaguutigineqartoq saneqqunneqareersimasoq, tassalu aalajangersakkami erseqqissumik takuneqarsinnaammat inassuteqartussat piukkussaminnik inassuteqarniartillutik assigiimmik inassuteqarsimappata Naalakkersuisut piukkussamik toqqaassallutik pisussaaffeqartut. Aammattaaq takuneqarsinnaavoq Naalakkersuisut isumaqatigiinngitsoqartillugu pisussaaffeqartut, tassalu Naalakkersuisut taamatut pisoqarsimatillugu taamaallaat inassutigineqartut akornanni piukkussamik toqqaasinnaammata. Naalakkersuisut taamatut pisoqartillugu ataatsimut nalilersuereernikkut piukkunnarnepaamik toqqaassapput.</p>
--	--	-----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------	---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------

7.3.		<p>Kommune Kujalleq oqaaseqaatini nalinginnaasuni erseqqissarneqartunut isumaqataasinnaavoq, tassalu pissusissamisoortuussasoq kommunit inassuteqarnerminni/arlariinnik inassuteqarnerminni isiginnaagassiorartutut sulineq piumasaaqatit ilannguttarnissaa. Taamaattoq kommunit namminersortitaasinnaanerisa kingunerisaannik kommunit namminneerlutik nalilersinnaasariaqarpaat piumasaaqatit sorliit tunngavigalugit ilaasortassamik inassuteqartoqartassanersoq, piumasaaqatillu taakku qanoq isillugit oqimaalutarneqartassanersut.</p>	<p>Oqaaseqaatigineqartoq siunnersuummut nassuiaatini erseqqissaasoqarnissaanik kinguneqarsimavoq, tassalu ilaasortassamik inassuteqarnissami piumasaaqatit sorliit aallaavigineqartassanersut, piumasaaqatillu taakku qanoq oqimaalutarneqartassanersut kommunit namminneerlutik nalilertassagaat.</p>
7.4		<p>§ 4, imm. 2, nr. 4 siunnersuutigineqartoq: Kommune Kujalleq siulersuisuni ilaasortap aqutsinikkut paasisimasaqarnissaa pisariaqartinneqarsinnaammat isumaqataavoq. Kommunimiilli paasiuminaatsinneqarpoq sooq tamanna Kalaallit Sulisitsisunut inassuteqarnissamut pisinnaatitaaffik aqutugalugu anguniarneqassanersoq. Kalaallit Sulisitsisut ilaasortaasa avataanni ilaasortassanik piukkunnaatilinnik peqarnissaa ilimagisariaqarpoq, taamaammallu kommunimit inassutigineqarpoq siulersuisunut ilaasortassamik aqutsinermik paasisimasalimmik toqqaanissami inassuteqarneq aallaavigineqassanngitsoq, kisiannili periarfissallit iluamik misissuiffiginerisigut tamanna</p>	<p>Siunnersuummi allanngortitsisoqarnissaanik tunngaviliinngilaq.</p> <p>Siullertut oqaatigineqassaaq Kalaallit Sulisitsisut inassuteqarsinnaatitaanerat isumaqanngimmat Kalaallit Sulisitsisut pinngitsooratik Kalaallit Sulisitsisut ilaasortaasa akornanniittumik inassuteqassasut.</p> <p>Aappaattullu Naalakkersuisut isumaqarput Kalaallit Sulisitsisut pisinnaasanik kissaatigineqartunik kina peqarnersoq nalilissallugu tulluartuussasut.</p>

		pissasoq, tassanilu soorunami - pisariaqanngilarli - namminersorlutik inuussutissarsiuteqartunut killeqartillugu.	
7.5		§ 7 a siunnersuutigineqartoq: Kommune Kujalleq isumaqarpoq aalajangersagaq itilertariaqartoq, tassami aalajangersagaq taamatut isikkoqartillugu aammalu aalajangersakkamut nassuiaatinut assersuullugu nalornilersitsimmat qanoq isilluni Nunatta Isiginnaartitsisarfia qitiusumik kattuffinnut nammineerluni isumaqatigiinniarsinnaatitaanersoq.	Oqaaseqaatit siunnersuummut nassuiaatit erseqqissaaffigineqarnissaannik pilersitsivoq, tassalu Nunatta Isiginnaartitsisarfia qitiusumik kattuffinnut nammineerluni isumaqatigiinniarsinnaatitaanng immat.  Tusarniaanermullu akissummut 6.3-mut oqaaseqaatit innersuussutigineqarput.
7.6		§ 2-mut, atuutilersitsineq:  Kommune Kujallermit tulluurtut isigineqassagalarpoq, immaqa inatsisissatut siunnersuummut nassuiaatit aqutigalugit, massakut kommunip siulersuisuni sinniisuutitaa allamik toqqaasoqarnissaata tungaanut ingerlaannarsinnaappat, matumani KANUKOKA-p atorunnaarsimanera apeqqutaatinnagu.	Massakut siulersuisuusut atuuffiat 31. juli 2019 naassaaq. Tamanna siulersuisunut tamanut atuuppoq, taamaalillunilu aamma ilaasortamut KANUKOKA-mit inassuteqarnikkut toqqarneqarsimasumut atuulluni.

## Inatsisissatut siunnersuummi aalajangersakkanut ataasiakkaanut oqaaseqaatit

### § 1-imut

#### Nr. 1-imut.

§ 4, imm. 2, nr. 2-mi aalajangersakkatigut kommunit tamarmik inassuteqartarnermut  
ilaatinneqarnissaat qulakkeerneqarpoq.

Kommunit namminneq ilaasortassamik pineqartumik toqqaanissaq ataqatigiissassavaat.

#### Nr. 2-mut

Aalajangersagaq § 4, imm. 2-p nutaamik oqaasertalernissaanik siunnersuuteqartoqarnerup inerneratut isigineqassaaq. Kommunit akunnerminni piukkussanik inassuteqarneranni isumaqatigiinngitsoqassagaluarpat erseqqissaasoqarnissaa pillugu aalajangersagaq ilanngunneqarpoq.

### **Nr. 3-mut**

Aalajangersakkat ilanngunneqarput qanoq iliuseqartoqarnissaanik erseqqissaaniarluni, kattuffiit § 4, imm. 2, nr. 1, 3 aamma 4-mi eqqaaneqartut arlaat taaguuminik allannguissagaluarpata atorunnaarsinneqassagaluarpataluunniit.

Naggatip pingajuata kingorna kattuffiup inassuteqarsinnaasup atorunnaarneratigut Naalakkersuisut ilaasortamik toqqaassappata, Naalakkersuisut tassunga atatillugu inassuteqaammik pituttuinnngitsumik kattuffimmut imaluunniit kattuffinnut sammisamut suliaqartunut piniarsinnaapput.

Siunnersuummut nalinginnaasumik nassuiaatit aamma innersuussutigineqarput.

### **Nr. 4-mut**

Immikkoortoq 1-imi aalajangersakkatigut Nunatta Isiginnaartitsisarfia atorfinitsitsinernut atugassarititanut allatullu pissutsinut tunngatillugu, atorfininnerup soraarsitsinerillu nalaanni pissutsinut, tunngaviusumik isumaqatigiissutip Nunatta Isiginnaartitsisarfiata Naalakkersuisullu akornanni atsiorneqartup iluanni pisussaaffeqarnerat aalajangersagaavoq. Tunngaviusumik isumaqatigiissummi isumaqatigiissut tassaavoq suliaqarfinnut erseqqinnerusumik aalajangersaaffigineqartunut pingaarnertut tunngaviliussat nassuiarneqarfiat, kisiannili tunngaviliussat taakku iluanni Nunatta Isiginnaartitsisarfiata immikkut pissutsinut isiginnaartitsisarqarnermi atorfinitsitsinissanut tunngatillugu kiffaannngissuseqalenera.

Aalajangersakkami immikkoortoq 2-mi isumaqatigiissut minnerpaamik sunik imaqaassanersoq aalajangersagaavoq. Atorfinitsitsinernut atatillugu pissutsit taaneqartut pingaarutilittut tunngaviliisutullu isigineqassapput, taakkulu aqutugalugit atorfinitsitsinerit atugassarititat taamaattut atorlugit qulakkeernerisigut aningaasartuutitik aqutsinissamut tunngatillugu pingaarnertut isiginiagassat aamma Namminersorlutik Oqartussat suliffeqarfiutaanni assigiimmik atugassaqartitsinissat qulakkeernissaasa ataqqineqarnissaat eqqarsaatigalugu.

Illuatungeriit tulluurtutut isigissappassuk tunngaviusumik isumaqatigiissummi aalajangersakkami taaneqareersut saniatigut pissutsit allat ilanngunneqarsinnaassapput.

### *§ 2-mut*

Ulloq 1. august 2019 inatsimmik atuutsitsilernissaq aalajangerneqarpoq Nunatta Isiginnaartitsisarfianni siulersuisunut ilaasortassanik toqqaanissamut siunnersuutip

sunniuteqarsinnaanera siunertaralugu. Ullumikkut siulersuisuusut atuuffiat 31. juli 2019-ip tungaanut atuuppoq. Tamanna siulersuisunut tamanut atuuppoq, taamaalillunilu aamma ilaasortamut KANUKOKA-mit inassuteqarnikkut toqqarneqarsimasumut atuulluni.